

## Universitätsbibliothek Paderborn

**Joannis Pierii Valeriani Bellunensis Hieroglyphica, Sive De  
Sacris Ægyptiorum Aliarumque Gentium Literis,  
Commentariorum Libri LVIII**

**Valeriano, Pierio**

**[Lipsiae] ; Francofurti Ad Moenum, 1678**

Justitiæ cultus.

**urn:nbn:de:hbz:466:1-14259**

A quo nomine etiam Terram ipsam dici alibi comprobavimus, & Legiferam ubique Cererem apud Poëtas appellari comperias, ut ab justitia nuncupatione: neque hoc quidem alienum videatur, & cum Tellure iustissima consensum habeat. Hinc apud Maronem prospero terra subjuganda omne Aeneia puppis:<sup>a</sup>

*Prima tenet rostro Phrygios subjuncta Leones.*

Veluti etiam hominem insidentem Leonis nonnunquam videas, quem si stimulo regat, quod esse sui animi regem omnino videtur significare: neque enim Aeneum illud ad sacra tantum patria refertur, quæ in Cybeles honorem fieri solita: neque solum respicit beneficium, quod, ut additum est, tuerit

B *Ida<sup>b</sup> profugus gratissima Teucris.*

Subiiciunt vero Leones Magnæ Deæ vehiculo, idemque trahunt & currum Solis, atque tam varie à veteribus tradita, ad unum eundemque demum intellectum tendunt. Demum hæc duplex in Leone natura, qua quidem anterioribus partibus cœlestia refert, posterioribus vero terram, quæstionem illam facile potest soluere, qua nonnulli mirantur, cur Leonis offigies in Divinis nostrorum literis modo Christo, modo Dæmoni attribuatur: pro Christo quippe apud Prophetas non semel positus, ut supra diximus: pro maligno vero Petrus epistola primi rugientem Leonem dixit: & David: *Liber a Leonibus animam meam*, clamat. Quibus respondit facio, anteriora, quæ sunt Leonis, fortitudinis, & regiæ virtutis habere significatum, atque ita pro Christo poni. Nam Ireneus ubi mysterium Dei in rebus strenue gerendis, in dominando, in regendo vim & autoritatem ostendit, Leonis imaginem ait id præmonstrasse, qua uni ex quatuor Evangelistis fuerit attributa: inferiora autem, partem quippe terream, fugacitatis & insidiarum..

C Caudam enim subter uterum cum fugit, subiicit, cauda ferit ex obliquo per insidias quæ omnia dæmonem exscribunt, quo nihil à bono fugacius, nihil in mortales insidiosius.

### CHRISTUS HOMO DEUS. CAP. XXVIII.

D Enique, ut etiam aliter philosophemur, cœlestis est anteriore parte Leo: ideo admiranda Christi opera veram nobis ante oculos proponunt divinitatem. *Nemo enim, qui à Deo non sit, ait Nicodemus, opera ea facere possit, quæ ipse faciebat.* Posteriore terram sapere videtur: ea frigida est, inde ad minima quædam, Galli<sup>c</sup> quippe cantum, prætentum facem, objectum levis amictus, quin ad Simiam, & illicis folia, atque etiam scilæ, Leo timidus est & ad fugam promptissimus. Et humanus Christus mortem timet, perpetuæ non ignarus, quæ statim subfecitura esset, immortalitatis; effugere cruciatum tentat, patremque orat, ut acerbissimus a se calix auferatur: & inde ita debilitatus, ut præ trepidatione genibus infisteret non posset. Quod si utraque natura in Christo est, Leo cum sit ejusmodi, recte in Divinis literis modo Deo, modo mortalibus accommodatur.

### JUSTITIA CULTUS. CAP. XXX.

E A vero præcipue de causa eorum sententiam approbarim, qui ferociores quoque animos iustitia se subjecere per hieroglyphicum hujusmodi arbitrantur, quia nuper in Gavartiano agri Bellunensis vico suburbano reperti sunt magno numero numi, ab quorum una facie mulier corona insignis longaque



a En. l. ro.



c A. Plinio  
ib. 8. 4. 35

induta

induta palla sedet, manum ad ensis inversi capulum extendens, ita ut apex ipsius capuli volam impleat literæ circumscriptæ, **JUSTITIA**. Ab altera facie, eadem mulieris effigies pene nuda, amictu quidem toto inexporrectam retro dextram appenso, læva supra Leonis caput postremis pedibus residentis injecta: literæ adsculptæ sunt **LEONIS HUMILITAS**.

**NATORUM ERGA PARENTES OBSEQUIUM.**

CAP. XXXI.

**L**eones autem domitos & magna Dea curru succedentes, Lucretius aliter interpretatur, qui velit figuratum id significare, liberos quantumlibet ferores, obsequentes esse debere parentibus: ait enim:

*Adjunxere feras, quo quamvis effera proles,  
Officiis debet molliri vieta parentum.*

Varro tamen in Cybeleio curru duo considerasle videntur, <sup>a At. Ma-</sup> Leonem utique terra symbolum, uti paulo ante dicebamus: mox quia genus id animalium in longinquis, & a nobis remotissimis regionibus inventum, nullam ait esse terræ partem tam remotam, quam coli subiectique non oporteat: ita omnes, quæ vel hieroglyphica sunt, vel quoquo modo mystica, in suam quisque artem vel disiclinam, quam profitentur, trahunt. Diodorus autem, uti suus est mos, historias sibi confingit ex commodo suo, Leonesque ideo Cybeles currum trahere confitum ait, quod ab his ea educata fuerit. Utrum vero curru vehatur Dea, an sella fedeat, quantum ad significatum pertinet, parui refert: nam in Faustina numo Cybelem Turritam Leonine sellæ insidente videas, quæ orbem intra manum & genu tenet: inscriptio est, **MATRIS MAGNAE**.

**MIXTA QUID. CAP. XXXII.**

**Q**uod vero pluribus in antiquorum monumentis, præcipueque sepulchralibus cernere est, Leones aliquod animal apprehendisse, quippe vel Ovem, vel Taurum, vel Anguem, vel hujusmodi quidpiam, ex eo conjicere potes, sepultum animalium aut naturam talis fuisse, cuiusmodi est illud, quod apprehensum fuerit: quippe si Ovem, vel Agnum, ut in sepulchro quodam Romæ sub Aesculapii pronao habetur, intelligas hominem ferocitate demoliti, mansuetudinem amplexatum: si Faurum, temperantiam: si Anguem, prudentiam, vel quid hujusmodi: prout animalis, quod detentum fuerit, significatum exiget, interpretaberis. Si vero hostiliter captum vel disceptum, ejus naturæ hostem male habitum. Nam in numo quodam argenteo Augusti Cæsaris validissima forma Leonem videas qui servum superat dentibus in armos affixis: quod forte referri potest ad Actiacam victoriam, quam is Apollinis labore consecutus est, in qua ut apud <sup>b</sup> Maronem:

*Omnis Arabs, omnes verterunt terga Sabæi.*

payorem enim ex Cervo loco suo significari diximus.

**AGRICULTURA.**



**FEROCITATE POSITA  
ASSUMPTA MANSUETUDO.**



AMO.